



Gutpela Wasman

No 4/2019

**Jisas Krais i tok,
“Mi gutpela wasman
bilong sipsip.”**

Jon 10.11

Gutpel a pasin bilong I aikim arapel a na I usim rong

Gutpela pasin i gat blesing

Wanpela taim long ples Bruma, insait long Saut Simbu seket, i gat wanpela lapun man i stap. Nem bilong em Gomna. Em i nogat meri na pikinini bilong en, olsem na em yet i save slip kirap long wanpela haus. Na olgeta hatwok em yet i save mekim. Brukim paiawut, pulapim wara, dikim kaukau, wasim klos na kukim kaikai. Em i save karim planti bikpela hevi.

Slip kirap bilong Gomna i nogat wanpela man o meri i luksave long em. Trangu em yet i save mekim olgeta hatwok na i save stap long haus bilong em yet. Gomna i stap na



winim planti yia i go pinis na em i kamap lapun nogut tru. Nau em i nogat strong moa long raun.

Insait long dispela ples Bruma i gat wanpela liklik boi i winim 8-pela krismas. Nem bilong en Pita Kei. Papamama bilong Pita i no save lotu tasol Pita i save go long Sandeskul. Olgeta Sande Pita i save go long Sandeskul na em i save bihainim tok bilong Sandeskul tisa na papamama bilong en tu. Wanpela Sande tisa i autim stori long wanpela topik long helpim ol trangu manmeri na ol lapun. Na dispela stori i wok long bel bilong Pita na olgeta taim Pita i save helpim lapun Gomna long pulimapim wara, brukim paiawut na tu em i save pikim kopi seri long kopi bilong papa bilong em na baim bol rais na sol bilong lapun Gomna. Em i save

lukautim em gut tru, olsem Baibel i tok long Sindaun 19.17, “Sapos yu marimari long rabis man na yu givim samting long em, i olsem yu larim Bikpela i dinau long yu, na bihain Bikpela bai i bekim dispela dinau.”

Long ai bilong Sandeskul tisa wantaim tupela papamama bilong en, Pita i gat gutpela ripot. Tok bilong Bikpela i wok long laip bilong Pita na em i bihainim gut tru na tu Pita i no slek long wok bilong en long lukautim lapun Gomna. I nogat narapela long lukautim Gomna. Olsem na olgeta de Pita i stap klostu tru long Gomna na lukautim em. Ol famili bilong Gomna i no save lukautim Gomna na was long em na tu olgeta lain long Bruma i no luksave long Gomna.

Pita i no save slek long wanpela taim. Wanpela taim long moning tru, Pita i kam long haus bilong Gomna wantaim sampela samting olsem sop na sampela kaikai tu. Nogat wanpela man i luksave long tupela na tupela yet i stap long haus na trangu lapun Gomna i laik lusim laip na olgeta las blesing wantaim olgeta gutpela tok em i givim long Pita na em i lusim laip. Pita i wari na krai na em i ran i go long papamama bilong en na toksave long haus lain olsem Gomna i lusim laip.

Liklik Pita Kei i bin mekim gutpela pasin tru long helpim Gomna inap em i dai. Yumi ol Sandeskul pikinini na ol Kristen i no ken lusim gutpela pasin. Oltaim yumi ken bihainim na mekim gutpela pasin bilong Bikpela long ol arapela. God i ken kisim biknem na yumi ken kisim blesing.

Domita Anton, EBC Saut Simbu

Laikim arapela

Stori bilong Petrisia na Alis long kantri Amerika. Olgeta lain i save tok long Alis Braun olsem, em oltaim i save mekim pasin i no stret. Em i save mekim pani long ol narapela pikinini na putim ol long trabel. Tasol taim Alis i go long skul em i save kamap olsem wanpela gutpela gel long ai bilong tisa na tisa i save ting Alis em i wanpela gutpela gel. Wanpela de long rises Alis i go long klasrum na droim pani pes antap long blakbot na raitim aninit olsem, ‘dispela em i tisa.’ Na em ran i go ausait gen long pilai. I gat wanpela gel i stap long wankain klas bilong Alis nem bilong en, Petrisia. Em wanpela gel i save mekim gut long olgeta lain, olsem na long dispela as Alis i no laikim em. Alis i ting long em i laik mekim gutpela pasin tasol em i no inap olsem na em i jeles long Petrisia na oltaim em i traim long mekim em i go insait long hevi.

Bihain long rises taim olgeta pikinini i kam long klasrum, ol i kirap nogut long lukim wanpela i wokim pani piksa long blakbot na tok long em i tisa. Olgeta i sori taim ol i ritim na ol i tok em husat tru i mekim. Tasol namel long ol, Alis i no mekim wanpela tok. Tisa i stopim lesen taim em i kam insait. Em i tok, “Ol pikinini, em i no stret long mekim pani long ol narapela na tu em i no stret long mekim pani long ol bikpela lain olsem tisa, em stret a? Mi laik save husat i droim dispela piksa.” Alis i putim han na tisa i askim em, “Yu droim dispela piksa long blakbot?” Alis i tok, “Nogat. Mi no droim dispela piksa, tasol mi save husat i droim.” “Husat i droim.” Em i tok, “Petrisia.” Petrisia i guria na pes bilong em i kamap ret. “Tru tisa, mi lukim em Petrisia tasol.” “Petrisia, mi sori olsem yu mekim dispela, nau bai yu stap bek long skul.” Ol

narapela pikinini i save olsem Petrisia i no droim na ol i ting Alis i mekim na ol i bel hat long dispela.

Dispela apinun taim ol pikinini i go pinis, Petrisia i stap bek 20 minit. Bihain tisa i tokim em long go long ples na em i go kisim wilwil na i redi long go. Sampela pikinini wantaim Alis i stap. Alis em i belhat long wanem wilwil bilong en i bagarap. Em i tingim long moning taim em kam long skul em i bin ron antap long hap we botol i bruk. Nau em painimaut olsem hap botol i stap long taia.

Alis i no belhat tasol, em wari bikos em i gat wok long kisim pepa na go givim long ol manmeri long taim stret. Sapos em i no go long taim ol bai i no inap long kisim pepa bilong em. Taim Petrisia i lukim dispela, em i amamas. Ol arapela pikinini tu ol i lap na mekim pani long Alis. Petrisia i tingim, dispela em i kaikai bilong pasin giaman em i bin mekim long mi. Yu ting em i hat long ol Kristen boi na gel long belhat? Yes, taim Bikpela i stap insait long laip bilong ol em i save tokim ol olsem Baibel i tok long laikim birua na no ken mekim nogut long ol. Dispela i gat mining olsem, taim ol man i mekim nogut long yu, yu mas mekim gutpela pasin olsem Rom 12.20 i tok, “Tasol sapos birua bilong

yu em i hangre, orait yu mas givim kaikai long em.”

Dispela as na Petrisia i no belhat longpela taim. Em i sori long Alis olsem em bai i no inap long go long taim na givim pepa long ol man. Alis i stap na tingim wanem em i mekim. Petrisia i tok, “Alis, yu ken usim wilwil bilong mi long dispela nait. Lukautim gut na bringim i kam bek taim yu pinis.” Alis wantaim ol arapela pikinini i tingting

planti long wanem pasin Petrisia i mekim. Alis i sem long wanem pasin em i bin mekim long Petrisia. Em i pilim orait liklik long neks de, bihain em i tokim ol long olgeta stori bilong em long tisa na em i tok sori.

Yu bai pilim narakain taim yu harim olsem Alis i go long Gut Nius Klab (Good News

Club) wantaim Patrisia. Long dispela hap em i lainim tok bilong Bikpela Jisas. Bihain Alis na Patrisia i kamap gutpela pren.

Ol pikinini, stori bilong Petrisia i skulim yumi long wanem samting? Pasin bilong lusim rong na mekim gutpela pasin long ol birua bilong yu.

Jisas i bin kisim bikpela sem, pen na bagarap long asua bilong sin bilong yumi. Taim em i stap antap long diwai kros bipo long em i dai, Jisas i tok, “Papa, yu lusim sin bilong ol. Ol i no save long dispela samting ol i mekim.”



Puzzle Taim

Insait long pasel bokis i gat 8-pela gutpela pasin bilong God na 5-pela pasin nogut bilong Satan i stap hait namel long ol leta. Painim ol gut na droim lain i raunim ol dispela pasin. Ol i wokim tupela pinis.

S	E	G	O	D	W	Q	F	T	S	A	T	A	N	M	P
G	U	F	I	Z	S	D	B	W	H	E	C	H	M	R	Q
A	X	L	B	P	N	L	B	Q	V	J	S	F	G	J	K
V	L	U	S	K	H	E	L	P	I	M	Q	R	U	O	L
E	H	S	H	O	S	E	E	F	L	V	J	D	G	H	P
L	A	I	K	I	M	C	S	O	R	I	N	E	V	A	K
F	K	M	I	K	B	H	I	D	U	W	B	O	L	H	R
W	G	R	O	N	S	E	N	S	J	T	G	Q	W	E	O
R	J	O	B	V	A	V	G	I	V	I	M	I	U	R	S
Z	F	N	B	E	W	H	K	N	R	F	P	L	T	N	G
A	D	G	E	W	L	B	U	B	I	R	U	A	Q	A	S
L	U	K	A	U	T	I	M	H	P	F	H	D	W	M	J
D	B	A	R	H	I	F	S	S	Q	L	V	N	S	A	L
T	O	V	W	N	G	J	X	I	E	H	Z	O	A	I	P
X	T	U	B	L	L	D	A	B	M	S	K	U	V	G	Q

BAIBEL VES


“Harim. Sapos yupela i lusim rong bilong ol arapela manmeri, orait Papa bilong yupela long heven em bai i lusim rong bilong yupela tu.

Matyu 6.14

- Lusim rong
- Laikim
- Lukautim
- Belisi
- Blesing
- Helpim
- Sorl
- Givim

- Jeles
- Kros
- Belhat
- Giaman
- Birua

Guwa tim i laik tok tenkyu long husat i raitim stori i kam, Domita Anton, na narapela stori i kam long dispela buk, 'Stories for the Children's Hour,' Translated by Guwa team



Published and printed by:
Publications Department
Evangelical Brotherhood Church (Inc.)
P.O. Box 996, Lae 411, Papua New Guinea

No 4/2019